

SARS YI VILERISIWA HI SWIHEHLO SWA MPAPALATO WA XIBALO EKA TIKHOMIXINI TA NDZAVISISO

Pretoria, Ravumune 24 Sunguti 2019 - Vukorhokeri bya Xibalo bya Afrika-Dzonga (SARS) byi vonile swiviko swa vuhangalasangungu mayelana swihehlo swa mpapalato wa xibalo eka tikhomixini to hambanahambana ta mindzavisiso leti nga ku humeleleni.

SARS yi vilerisiwa hi mavito ya khale ya vatrhi lawa ya vuriweke eka swihehlo swa swiendlo swo biha naswona yi lava ku tiyisa vahakelaxibalo va Afrika-Dzonga na vanhu hinkwavo leswaku leswi swi ta lavisisiwa handle ka nchavo kumbe tintswalo naswona vanhu lava nga ta voniwa milandzu va ta xupuriwa.

SARS yi tsakela ku tiyisa vahakelaxibalo na vanhu hinkwavo ku ya emahlweni leswaku eka swiyimo laha milawu ya xibalo yi nga tluriwa kumbe ku nyadziwa, matshalatshala yo tika ya ta tirhisiwa ku tlakusa mfumo wa nawu.

SARS yi tlhela yi tsakela ku tiyisisa leswaku Yuniti leyintshwa ya Ikonomi leyi nga ri ki eNawini leyi tumbuluxiweke yi le ku tirheni hi matimba naswona yi ta langutisa leswi nga ta humelela naswona yi le ku tekeni ka magoza lawa ya faneleke laha swi faneleke ku tiyisisa nandzeleriso eka milawu ya xibalo.

SARS yi tsakela ku kongomisa rinoko eka Phurogireme ya Mpaluxo hi Ntsakelo leyi ya ha tirhaka hi ku hetiseka naswona vahakelaxibalo na swirho swa vanhu lava nga landzelerisiki va hlohloteriwa ku tirhisa xitirhisiwa lexi laha swi faneleke.